

Rom. 3.19. Scimus autem, quæcumq; lex dicit, iis qui in lege sunt dicere: ut omne os obturaretur, & obnoxius fiat totus mundus condemnationi Dei. & I. Tim. 1.9. Hoc sciens nempe legem iusto positam non esse, sed legis contemptoribus, & iis qui subijci nolunt, impiis & peccatoribus, &c. Hic legis subiectum ostenditur.

Item Accusativi, ad quos sese extendit aliqua actio vel passio. Psal. 147. vers. 6. Jehova statuminat mansuetos.

Item nomina Adjectiva quibus indicatur ad quos id de quo dicitur pertineat: ut cum aliquid dicitur commune vel proprium: universale vel singulare. Sic cum dicuntur miseriæ communes, dona communia, providentia universalis, vel singularis.

SUBJECTI OCCUPANTIS notæ sunt, Præpositiones in, circa, de, quum intelligitur objectum in quo, seu circa quod persona, vel res aliqua occupatur, seu de quo agitur. Psalm. 1. vers. 2. In Lege Jehovæ delectatio ejus, & in lege ejus meditatur dies atq; noctes. Rom. 1. vers. 2, 3. Evangelium Dei de Filio suo. Evangelii subiectum occupans vel objectum est Filius Dei.

Hæ sunt notæ subiecti: sequitur

CAP. XI.

De notis adjunctorum.

ADJUNCTI notæ sunt:

I. Nomina adjectiva, quibus significatur